

## An ewe Sam/in Ese Annomwu Semirit Pwuung me Sekining Noncustodial Parent's Rights and Responsibilities

### Ewe Division of Child Support (DCS):

1. A awora me apochokkuna ekkewe order me akkuno fan iten aninnisin semirit ren peekin mwooni me peekin safei.
2. A cheki ekkewe order fan iten aninnisin semirit ika pwe epwe wor ekkesiwin.
3. A angei, rekottuni, me eineti momoon aninnisin semirit me non ewe Washington State Support Registry (WSSR).

### Sam/in Ese Annomwu Semirit

En emon sam/in ese annomwu semirit. Emon sam/in ese annomwu semirit a emon wesewesen semenap, ika emon sam/mei affat pwe a wiisen mwuuti ewe semirit, emon wesewesen inenap, ika emon in mei affat pwe a wiisen mwuuti ewe semirit, ewe minne epwe wiisen awora mwonien aninnis ngeni noun ewe semirit. Annukun state me mwunap ra fotuki ei wiis.

### Kamotiwen Aninnisin Semirit

Napengeni, en kopwe moonatiw aninnisin semirit. Me murin an DCS a tin ngonuk echo taropwe ren omw kopwe moonatiw aninnisin semirit, DCS epwe awora credit ngeni omw ewe account ika pwe omw momoo epwe chok no ngeni WSSR, pwan ew kapwungun state ika ew state agency fan iten anisi semirit, ika ew kapwungun tribe ika ew agency fan iten anisi semirit an ewe tribe.

1. Kopwe muttir esinesin ngeni DCS ika pwe pwan ew state agency ika ew agency an ew tribe fan iten anisi semirit ika ew kapwungun state ika ew kapwungun tribe a esinesin ngonuk omw kopwe moon ngenir aninnisin semirit.
2. Kosapw tinano omw momoo ngeni emon me nukun ewe address an WSSR a makketiw faan, chinoon chok ika pwe DCS a esinesin ngonuk non taropwe pwe sia esipano omw ewe case.

Kopwe moonatiw meinisin aninnis ngeni ewe Washington State Support Registry (WSSR). Ka tongeni kamotiw non ew me nein ekkei tettenin aan:

1. Aimwuaau seni peioffumw. Napengeni ekkewe orderin aninnis ra mwuut ngeni DCS an epwe ioni mwonien aninnis seni mwooni mei kaimwuuno seni peioffumw ika pesei momootiw ngeni WSSR. Ika pwe ewe order fan itomw a mwuut ngeni DCS an epwe foori ena, iwe DCS epwe achocho ngeni an epwe ioni ena aninnis ren an epwe kaimwuuno seni peioffumw.
2. Pusin noumw check, money order, certified check, ika cashier's check. Tinano meinisin check me money order ngeni:  
WASHINGTON STATE SUPPORT REGISTRY  
PO BOX 45868  
OLYMPIA WA 98504-5868
3. Electronic Funds Transfer (EFT). EFT a mwutata kaimwunoon mwonien aninnis non an epwe chok automatic seni ew checking ika savings account non ew me ew maram. Ren tichchikin pworousen, kokkor 800-468-7422.
4. Internet. Ew momoo won Internet a mwutata kaimwunoon mwonien aninnis seni ew checking ika savings account. Ren tichchikin pworousen, etino won an DCS ewe web site a nomw won <https://secure.dshs.wa.gov/dcsonline/>.
5. Credit ika Debit card. Ren tichchikin pworousen, etino won an DCS ewe web site a nomw won <http://www.dshs.wa.gov/dcs/CardVendors.asp>.

Ika pwe omw ewe bank a eniwini echo me nein noumw kewe check ika ese etiwa momoo won EFT ika Internet pwokiten ese naaf mwooni, iwe DCS epwe ne chok etiwa momoo non ekkan raan mwach ren foufoun mwooni, money order, cashier's check, certified check, ika kaimwunoon mwooni seni peioffumw.

Pacheienong nampan omw ewe case me nampan omw ewe account IN \_\_\_\_\_ won meinisin momoo me taropwe.

DCS **esapw awora credit ngeni omw ewe account** ren momoo mei titi ngeni emon me nukun WSSR, ew kapwungun tribe ika agency an ew tribe fan iten aninnisin semirit, ika ew pwan kapwungun state ika ew state agency fan iten aninnisin semirit. **DCS esapw awora credit ngeni omw ewe account ren mwooni mei awenewen ne momoo ngeni ewe ew peekin mei affat me non ewe orderin aninnis.**

Ika pwe mei wor pwopwun mei fiti pwungun annuk ren omw kose awora mwonien aninnis ngeni noumw ewe semirit are ika pwe DCS a mwannino ne pacheienong non ei ammwokutun angang, kopwe muttir ne esinesin ngeni DCS.

## **Wisiomw ren Aninnisin Peekin Safei**

Ika pwe ewe order fan itomw ren aninnis a pesei omw kopwe awora health insurance ngeni noumw ewe semirit, DCS epwe foori an angang ren an epwe apochokkuna met wisiomw. Ika pwe ewe order fan itomw ren aninnis a pesei pwe kopwe moonatiw foufoun mwooni ren aninnisin peekin safei, DCS epwe affata ewe aukukun mwooni kopwe moonatiw me epwe pwan iona ena aukukun mwooni.

1. Kopwe muttir esinesin ngeni DCS ika pwe mei wor ekkesiwin fan iten omw ewe momoon health insurance ngeni ewe semirit a affat itan non ewe orderin awora aninnis.
2. Foufoun mwooni fan iten aninnis ren peekin safei a pachenong och aukukun momoon peekin safei ese tongeni an epwe enniwin sefaan me och aukukun fees ren niwinin safei (momoo non foufoun mwooni) ika pwe mei pesepes me non ewe order fan itomw are pwe health insurance ese kawor..

Ika pwe ewe order fan itomw a pesei pwe ewe sam/iin mei annomwu semirit epwe awora niwinin health insurance ika epwe mooni niwinin peekin safei ese nomw fan tumwunuen insurance, iwe ka tongeni tungor unusen aninnis fan iten apochokkunen aninnisin semirit me:

1. Kopwe tunger ngeni DCS an epwe apochokkuna wiisen ewe sam/iin mei annomwu semirit an epwe awora health insurance. DCS a tongeni apochokkuna ena wiis anonganong won nonnomwun omw ewe case.
2. Kopwe tungor ngeni DCS an epwe ioni momoon peekin safei ese nomw fan tumwunuen insurance pacheong copayments, deductibles, me premium usun met mei kawor awewen me non WAC 388-14A-1020 seni ewe sam/iin mei annomwu semirit.

Ika pwe ewe order fan itomw ren aninnis ese pesei pwe ewe sam/iin mei annomwu semirit an epwe awora health insurance, ew medical premium share, ika moonatiw niwinin peekin safei ese nomw fan tumwunuen insurance, usun met mei kawor awewen me non WAC 388-14A-1020, iwe ka tongeni tungor ngeni DCS an epwe cheki ewe order fan itomw ren an epwe ekkesiwin ika ka tongeni pusin atononga omw tungorun ekkesiwin.

## **Sakkun Ammwet Ika Pwe Kose Tipeew Ngeni Pwungun Finata**

**Conference Board.** Ew conference board a ew mwokutukutun angangen (esapw kapwung) DCS a kawor ren an epwe atawai chommwong osukosuk, aweweni annuk, me affata met mei pwung.

1. Ew conference board a tongeni cheki order seni kapwung me order esapw seni kapwung fan iten ekkewe case ren aninnisin semirit. may review both court-ordered and noncourt-ordered child support cases.
2. Ew conference board a tongeni atou ew pwungun finata inamwo ika ese wor ew mwiich mei kawor ngonuk. Ika pwe mei wor ew mwiich mei fis ngonuk, iwe ka tongeni pworous won omw ewe case ngeni meinapen DCS, ekkewe minne ra tongeni ekkesiwi met pwungun finata DCS a fen atou me mesemmwani. Ew conference board a tongeni ekkesiwi met ammwokut chon angangen DCS ra fen foori, nge ese tongeni ekkesiwi ammwokoutun angang mei affat me non annuk.

**Mwiichen Affor (arongorong).** Ew arongorong a pwan ew ammwokutun angang. Ew arongorong a kon nian masooch an angang seni ew conference board nge a kukkun masoochun an angang seni ew angangen kapwung.

1. Annukun state a chok awora ew arongorong non ekkoch sakkun osukosuk. Ika pwe DCS a tin ngonuk echo taropwen esinesin, ena taropwe epwe affata ngonuk ika pwe mei wor omw pwung an epwe kawor ngonuk ew arongorong. Emon Sou Kapwung a iteni Administrative Law Judge (ALJ) epwe mesemes won ena arongorong. Ekkewe ALJ esapw iir chon angangen DCS.
2. Non ew arongorong, emon ALJ epwe cheki omw ewe case me atou pwungun an finata won omw ewe osukosuk. Ren omw kopwe aukatiw an DCS esapw apochokkuna ewe orderin aninnis ngeni semirit fan itomw, kopwe tungor an epwe kawor ew arongorong nge esapw mang seni nefinen 20 raan (ika pwe ka angei ewe taropwen esinesin me non Washington State) ika nefinen 60 raan (ika pwe ka angei ewe taropwen esinesin me nukun Washington State) me murin an a toruk ewe taropwen esinesin.
  - a. Ka tongeni tungor an epwe kawor ew arongorong ika pwe a nunu seni ewe aukukuk 20 ika 60 raan. Nge, DCS epwe chok apochokkuna ewe order fan itomw ren aninnisin semirit tori an epwe tour ngenikich ew pwungun finata me non ewe arongorong. DCS esapw aniwini mwooni mei loi non ewe fansoun ewitiwit ngeni ew pwungun finata me non ewe arongorong.
  - b. Ika pwe ka tungor an epwe kawor ew arongorong nge a nap seni ew ier me murin an a toruk noumw ewe taropwen esinesin, iwe kopwe pwarata auchean pwopwun (ew auchean pwopwun minne a esenipata omw ka mang ne tungor). Ewe ALJ mei tongeni an esapw etiwa omw ewe mangnen tungor. Nge, mei tongeni an epwe wor omw pwuung ren an epwe ekkesiwin aukukun omw aninnis ngeni semirit non ekkan fansoun mwach inaamwo ika ese wor omw auchean pwopun an a mang omw atononga omw tungoren kaworen ew arongorong.
3. Epwe titi ngonuk non pwosto echo kapiin an ewe ALJ pwungun finata. Ewe pwungun finata an ewe ALJ epwe awewei ngonuk omw kewe pwuung ren omw kopwe ammwetta ewe pwungun finata.
4. Ika pwe mei ititooch, DCS epwe esinesin ngeni ir me ruepeek ngeni ewe orderin aninnis fan itomw nupwen fansoun a tori kich ewe tungorun kaworen ew arongorong. Ir me ruepeek ra tongeni fiti ewe arongorong.

Ika pwe mei wor omw kapas eis:

DIVISION OF CHILD SUPPORT

PO BOX 11520

TACOMA WA 98411-5520

Non \_\_\_\_\_ nenien kokko \_\_\_\_\_  
Nukun \_\_\_\_\_ nenien kokko \_\_\_\_\_

Aninnis ren TTY/TDD a kawor ngeni ekkewe mei mwech aawer me puung seningeer. Etino won ach ena web site a nomw won:  
[www.dshs.wa.gov/dcs](http://www.dshs.wa.gov/dcs)

Esap wor emon aramas pwokiten an neewo, onuan unuchchan, ii seni ia, an nukukun, an namanam, ii emon mwan ika fefin, ierin, ika terin inisin, epwe wor tipe kinikin ngeni ren fan itan angang, aninnis, ika och kinikinin angangen ewe prokram. Ei taropwe mei kawor pwan non ew sakkun niknik iwe a tongeni katou ika pwe epwe wor tungorun.